

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. Statuta Općine Centar Sarajevo - Prečišćeni tekst („Službene novine Kantona Sarajevo“, br. 23/04), Odluke o izvršavanju Budžeta Općine Centar Sarajevo za 2023. godinu („Službene novine Kantona Sarajevo“, br. 2/23 i 21/23) i Pravilnika o dodjeli novčanog poticaja za sufinansiranje nabavke nove poljoprivredne mehanizacije na području Općine Centar Sarajevo za 2023 godinu, (broj:16-20-158/23) od 13.10.2023.godine, Općinski načelnik Općine Centar Sarajevo, objavljuje:

## JAVNI POZIV

**za dodjelu novčanog poticaja za sufinansiranje nabavke nove poljoprivredne mehanizacije**

### I PREDMET JAVNOG POZIVA

Predmet Javnog poziva je dodjela novčanog poticaja poljoprivrednim proizvođačima sa područja Općine Centar za nabavku nove poljoprivredne mehanizacije.

Mehanizacija koja je nabavljena na lizing, polovna ili putem komisione prodaje neće se uzimati u razmatranje i zahtjev će biti odbijen.

### II PRAVO UČEŠĆA

Pravo na učešće po Javnom pozivu imaju fizička lica sa stalnim prebivalištem na području Općine Centar Sarajevo, upisana u RPG i RK (Registar poljoprivrednih gazdinstava i Registar klijenata) i vlasnici obrta, registrovanog za obavljanje poljoprivredne djelatnosti, upisani u RPG i RK (Registar poljoprivrednih gazdinstava i Registar klijenata) sa izvršenim ažuriranjem u tekućoj godini, a koji su nabavili novu mehanizaciju, priključna sredstva i novu opremu u biljnoj i animalnoj proizvodnji u toku tekuće godine.

Javni poziv obuhvata dodjelu novčanih poticaja za nabavku nove poljoprivredne mehanizacije što zavisi od visine cijene kupljene mehanizacije i to kako slijedi:

Kateg.	Iznos kupljene mehanizacije u KM	Novčani iznos poticaja (fizička lica)	Novčani iznos poticaja (obrti)
I	<b>Iznos do 1000,00 KM</b>	<b>80%</b> od vrijednosti računa	<b>100%</b> od vrijednosti računa
II	<b>Iznos od 1000,00-10.000,00 KM</b>	<b>40%</b> od vrijednosti računa <b>(max. iznos 2.000,00 KM)</b>	<b>50%</b> od vrijednosti računa <b>(max. iznos 3.000,00 KM)</b>
III	<b>Iznos preko 10.000,00 KM</b>	do <b>15%</b> od vrijednosti računa <b>(max. iznos 3.000,00 KM)</b>	do <b>25%</b> od vrijednosti računa <b>(max. iznos 5.000,00 KM)</b>

Pravo na dodjelu novčanih podsticaja za sufinansiranje nabavke nove poljoprivredne mehanizacije, podnosilac prijave na Javni poziv može ostvariti **samo po jednoj od navedenih kategorija.**

### III USLOVI ZA DODJELU

Uslovi koje kandidat treba da ispunjava za sufinansiranje nabavke nove poljoprivredne mehanizacije:

- 1) Da podnosilac zahtjeva ima stalno prebivalište i ima prijavljenu biljnu, odnosno animalnu proizvodnju na području Općine Centar Sarajevo;
- 2) Da je registrovan kao poljoprivredni proizvođač u Općini Centar Sarajevo i da ima Rješenje o registraciji subjekta kod nadležnog organa;
- 3) Da je podnosilac zahtjeva upisan u Registar poljoprivrednih gazdinstava (RPG) i Registar klijenata (RK) u nadležnoj Službi Općine Centar Sarajevo i da je izvršio ažuriranje podataka u tekućoj godini;
- 4) Da podnosilac zahtjeva ima fakturu i/ili fiskalni račun na ime poljoprivrednika odnosno obrta o kupovini nove poljoprivredne mehanizacije u tekućoj godini.

### IV SADRŽAJ POTREBNE DOKUMENTACIJE

Potrebna dokumentacija:

- 1) Popunjen i potpisan prijavni obrazac – zahtjev (potpisan od podnosioca zahtjeva);
- 2) Prijava o mjestu stalnog prebivališta ne starija od 6 mjeseci (CIPS za fizička lica);
- 3) Faktura i/ili fiskalni račun na ime poljoprivrednika odnosno obrta o kupovini nove poljoprivredne mehanizacije u tekućoj godini (ovjerena kopija fiskalnog računa izdata u tekućoj godini);  
Ukoliko prodavac ne podliježe fiskalizaciji, na fakturi mora biti upisan broj rješenja nadležne porezne uprave na osnovu kojeg je prodavac oslobođen fiskalizacije;
- 4) Ovjerena izjava podnosioca zahtjeva da nabavljena mehanizacija neće biti prodana ili data u zakup trećim licima u periodu od 3 godine od trenutka ostvarenja prava na novčani podsticaj u kojoj podnosioc navodi vrstu i serijski broj mehanizacije i daje saglasnost da Komisija može izaći na teren u cilju provjere vjerodostojnosti priložene dokumentacije (ovjerena u općini);
- 5) Potvrda/obavijest o otvorenom i aktivnom računu u banci na ime podnosioca zahtjeva (original ne stariji od mjesec dana);
- 6) Uvjerenje o izmirenim poreskim obavezama za tekuću godinu za podnosioc zahtjeva koji imaju registrovanu poljoprivrednu djelatnost.

Dokumenti koji se prilažu moraju biti originali ili ovjerene kopije.

Prijavni obrazac možete preuzeti na info pultu Općine Centar i na sljedećem linku:

<http://www.centar.ba/stranica/javni-pozivi-euprava>

### V NAČIN I ROK ZA PODNOŠENJE ZAHTJEVA

Javni poziv ostaje otvoren 7 (sedam) od dana objavljivanja Javnog poziva u dnevnom listu, web stranici i oglasnim pločama mjesnih zajednica.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

**Općina Centar Sarajevo  
Mis Irbina 1  
71000 Sarajevo**

**Sa naznakom "Za Javni poziv za dodjelu novčanog podsticaja za  
sufinansiranje nabavke nove poljoprivredne mehanizacije"  
„NE OTVARAJ“**

Na poleđini koverta obavezno se navodi: ime i prezime podnosioca zahtjeva, adresa i kontakt telefon.

**Neblagovremeni i nepotpuni zahtjevi/prijave neće biti razmatrane.**

Za ulaganje eventualnih prigovora rok je 8 (osam) dana od objavljivanja Odluke o dodjeli novčanih podsticaja za sufinansiranje nabavke nove poljoprivredne mehanizacije na web stranici i oglasnoj ploči Općine Centar Sarajevo.

**VI OSTALE ODREDBE**

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv.

Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512.

**Općinski načelnik**

---

**Srđan Mandić**